

20.04.2023թ.

ք. Երևան

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՈՐՈՇՈՒՄ թիվ 609095/01

ՎԱՐՉԱԿԱՆ ԻՐԱՎԱԽԱՏՈՒՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա.Մնացականյանս, քննելով վարչական իրավախախտման վերաբերյալ թիվ 609095 գործը և ուսումնասիրելով վարչական իրավախախտման վերաբերյալ 17.04.2023թ. թիվ 609095 արձանագրությունը՝

ՊԱՐԶԵՑԻ

Համաձայն հարկային մարմնում առկա անձնական հաշվի քարտի տվյալների՝ «Ծրագրերի Զարգացման Գրասենյակ» սոցիալ-մշակութային հիմնադրամի նախագահ Գարիկ Գևորգյանը (ՀՎՀՀ՝ 08213011) ՀՀ օրենսդրությամբ սահմանված ժամկետում չի վճարել հարկերը, որի հետևանքով պարտավորությունները ՀՀ պետական բյուջեի նկատմամբ 24.02.2023թ-ի դրությամբ կազմում են 1.193.928 ՀՀ դրամ, որից 987.986 ՀՀ դրամն առաջացել է 2023թ. հունվար ամսվա եկամտային հարկի հաշվարկից, որի համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 170³ հոդվածով:

Կողմի ներկայացուցիչը ներկայացել է արձանագրության կազմմանը, որի ընթացքում հայտնել է գրավոր բացատրություն՝ առ այն, որ վարչական իրավախախտում կատարած անձը հանդիսանում է բարեգործական կազմակերպություն, որի նպատակն է Հայաստանում բիզնեսի ոլորտի զարգացմանը, նոր ներդրումների ներգրավմանը: Կողմը խնդրել է, հաշվի առնելով վերոգրյալը, որպես պատասխանատվության միջոց դիտարկել հնարավոր նվազագույն տարբերակը:

Համաձայն ՀՀ Հարկային օրենսգրքի 33-րդ հոդվածի 1-ին կետի՝ Հարկ վճարողը (հարկային գործակալը) և դրա պաշտոնատար անձը պարտավոր է՝ Օրենսգրքով այլ բան սահմանված չլինելու դեպքում Օրենսգրքով և վճարների վերաբերյալ Հայաստանի Հանրապետության օրենքներով սահմանված կարգով և ժամկետներում ինքնուրույն հաշվարկել և կատարել իր հարկային պարտավորությունները՝ Օրենսգրքով և վճարների վերաբերյալ Հայաստանի Հանրապետության օրենքներով սահմանված դեպքերում և կարգով կատարելով նաև հարկի և (կամ) վճարի կանխավճարներ:

Նույն օրենսգրքի 158-րդ հոդվածի 1-ին մասի համաձայն՝ Հարկային գործակալները Օրենսգրքի 154-րդ հոդվածի 1-ին մասով սահմանված կարգով հաշվարկված՝ պետական բյուջե վճարման ենթակա եկամտային հարկի գումարները պետական բյուջե են վճարում մինչև հաշվետու ժամանակաշրջանին հաջորդող ամսվա 20-ը ներառյալ:

ՀՀ ՊԵԿ տեղեկատվական համակարգում կատարված ուսումնասիրությունների արդյունքում պարզվել է, որ Գարիկ Գևորգյանի կողմից 2023թ. հունվար ամսվա եկամտային հարկի և սոցիալական վճարի միասնական հաշվարկից առաջացած հարկի գումարը պետական բյուջե է վճարվել 10.03.2023թ.վականին, մինչդեռ պետք է վճարվեր 20.02.2023թ.վականը ներառյալ:

Հաշվի առնելով վերոգրյալը՝ վարչական մարմինը գտնում է, որ կողմի ներկայացրած բացատրությունը հիմք չի հանդիսանում՝ վարչական պատասխանատվությունից ազատելու համար:

Այն փաստը, որ Գարիկ Գևորգյանի կողմից վերջին մեկ տարվա ընթացքում կատարվել է վարչական իրավախախտում (ՀՀ ՊԵԿ Իրավաբանական վարչության պետի 20.10.2022թ. թիվ 475475/01 որոշում)՝ սույն գործով դիտվում է որպես պատասխանատվությունը ծանրացնող հանգամանք:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 34-րդ, 244², 281 հոդվածներով և 282 հոդվածի 1-ին կետով՝

ՈՐՈՇԵՑԻ

Համաձայն Վարչական իրավախախտումների վերաբերյալ ՀՀ օրենսգրքի 170³ հոդվածի Գևորգյանի Գևորգյանի կատմամբ կիրառել վարչական տույժ՝ նշանակել տուգանք 20.000 (քսան հազար) դրամի չափով:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա. ՄՆԱՑԱԿԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն՝

Վարչական տույժ նշանակելը վարչական իրավախախտում կատարած անձին չի ազատում այն պարտականությունից, որը չկատարելու համար նշանակվել էր վարչական տույժ (հոդված 40)

Վարչական իրավախախտման վերաբերյալ գործի որոշման դեմ գանգատ կարող է տրվել որոշումն համաձայն հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագործ մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում:

Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում (հոդված 305, մաս 1) գանձապետական հետևյալ հաշվառման թվով՝ 900005240487 անդորրագրի <<նպատակ>> դաշտում պարտադիր նշելով որոշման համարը:

Տուգանքը նշանակելու մասին որոշումն իրավախախտում կատարած անձին հանձնելու օրվանից, իսկ տուգանքը նշանակելու մասին որոշումը բողոքարկելու դեպքում բողոքն առանց բավարարման թողնելուց հետո 15 օրվա ընթացքում տուգանքը չվճարելու դեպքում այն ենթակա է բռնագանձման օրենսդրությամբ սահմանված կարգով:

Ստացա որոշման պատճենը _____